



## Esperanto-elsendoj festas sian 20-an jariĝon je la servo de komunikado



Havano, 8 sept (RHK) La venontan la 11-an de septembro la Esperanto-elsendoj de Radio Havano fariĝas 29-jaraj, kio sendube estas ĝojiga fakto por ni, kaj aparte por kelkaj el ni, kiuj partoprenis la unuan elsendon okazintan en la jaro 1988.

Estis tempo kiam Kuba Esperanto-Asocio sin preparadis por akcepti en Havano la 75-an universalan kongreson de Esperanto por la unua fojo, la plej grava kaj multnombra esperanto-manifestacio.

Interalie, tiu kongreso kontribuis al realigo de tiu ĉi ideo kiu nun estas historia kaj reala atingo de la kuba movado. Ĝuste tial ni volas pere de niaj mikrofonoj sendi amikan saluton al ĉiuj iamaj kunlaborintoj kaj nunaj kunlaborantoj pro sindediĉo kaj subteno.

Apartan saluton ni transdonas al ĉiuj geaŭskultantoj kaj fidelaj raportantoj kiuj regule subtenas nian agadon. Al ĉiuj ni esprimas nian dankon kaj altan estimon.

En tiu ĉi nova datreveno, la esperanto-redakcio sin preparas por aktive informi pri alia grava evento okazonta en Kubo, en Havano, de la 11-a ĝis la 17-a de februaro 2018, nome la 9-a Tutamerika Kongreso de Esperanto kies ĉeftemo estas Lingvoj kaj Kulturoj: edukado por daŭripova evoluo en la Amerikoj.

Informoj pri ĝi troveblas en la retejo de Kuba Esperanto-Asocio, sub la menuero 9-a TAKE. Nia redakcio invitas ĉiujn informiĝi kaj partopreni la tutamerikan kongreson, kiu celas plifortigi la regionan movadon kaj ĝui nian kulturon kaj amikecon. Bonvenon en Havano!



**RADIO HABANA CUBA**

Artículo Editado por Maritza Gutierrez González  
08/09/2017 10:11:20

---